

tigster Nam / sein Ehr vnd Glori desto mehr außgebreitet vnd bes  
 fördert / vnd die arge Lunatische Lust vnd geldliebende Welt / die die  
 Finsternuß mehr dann das Liecht liebet / vber dem hellen klaren  
 Schein / dieses himmlischen Gnadenliechts / so der getrewe / gütige /  
 vnd langmütige Gott vor dem End dieser Welt öffentlich in Ger  
 manien will anzünden / vnd hell vnd klar leuchten lassen / vollends  
 erblinde / zu spott vnd schanden werde / vnd in ihres Herken vnbusz  
 fertiger Verstockung ihren verdienten Lohn dahin nemme : Weil  
 sie das rechte Gnadenliecht CHRISTVM IESVM den Geheims  
 rigten / der in diese Welt kommen / alle Menschen / so warhafftig an  
 ihn glauben / vnd getauffet werden / zu erleuchten / vnd die busfertis  
 gen Sünder selig zu machen / nicht erkennen noch annehmen wöl  
 len. Demnach mir nun auch / als einem kunstliebenden Indaga  
 tori der Natur / vnd dieser edlen Kunst / in meiner sechsährigen  
 Pilgramschafft etliche gute nützliche Schrifften zu handen kom  
 men / so von der hochlöblichen offte erwähnten Kunst Chemia, vnd  
 von dem gebenedeyten Stein der Weisen handeln vnd tractiren /  
 auch meines Wissens vnd Erachtens noch zum theil nie in publi  
 cam lucem, sonderlich in Teutscher Sprach kommen : Also hab  
 ich dieselbige den Filiis doctrinæ zu gutem länger nicht hinderhal  
 ten / sondern zum theil meis, zum theil alienis sumptibus gern pu  
 bliciren vnd communiciren wollen / andern hiemit / die ohne zweiffel  
 dergleichen Schrifften auch haben werden / Anleitung vnd Anreis  
 hung zu geben / daß sie solche fürtreffliche nützliche Schrifften nicht  
 mit sich vergraben / sonder auch ans Liecht kommen lassen / zu Gött  
 licher Glorien Beförderung / vnd des Neben Menschen Geistlicher  
 vñ leiblicher Verbesserung / Wolfahrt / Ergekung vñ Erquickung.

Dieweil aber / Allergnädigster Keyser vnd HERR / S. Key.  
 May. hochlöblichster Christmildester vnd seligster Gedächtnuß /  
 Rhum vnd Lobwürdige Antecessores, König vnd Keyser / dieser  
 Göttlichen / himmlischen vnd hohen Kunst ALCHEMIE, nicht  
 geringe Beförderung gethan / vnd gnädigst erwiesen / sondern auch  
 ein